

*U ime Allaha, Milostivog, Samilosnog*

# DVA VELIKA ISLAMSKA PRAZNIKA

EID-UL-FITR (Ramazanski bajram)

EID-UL-ADHA (Kurban bajram)





بِسْمِ اللَّهِ الرَّحْمَنِ الرَّحِيمِ ۞

نَحْمَدُهُ وَنُصَلِّي عَلَى رَسُولِهِ الْكَرِيمِ ۞

الْحَمْدُ لِلَّهِ رَبِّ الْعَالَمِينَ-

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ۞

*“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”*

## **DVA VELIKA ISLAMSKA PRAZNIKA**

### **EID-UL-FITR**

#### **(Ramazanski bajram)**

Islamsko nas učenje uči da jednom muslimanu koji poduzima trud na Božjem putu, pripada i nagrada. Jedan takav trud i samim time i jedan od pet temeljnih stubova islamskog vjerovanja je post u svetom mjesecu Ramazanu.

Mjesec Ramazan u Islamu vrijedi za blagoslovljen jer je tog mjeseca počela Objava Časnog Kur'ana Poslaniku Muhammedu s.a.v.s. preko meleka Džibrila.

Sjećanje na Boga i djelovanje sa namjerom da se zadobije Božje zadovoljstvo se u ovo vrijeme posebno vrijeduju.

Eid-ul Fitr (Ramazanski bajram) koji se npr. u turskom jeziku obilježava i sinonimom „šećerni praznik“ predstavlja tako jednu zaključnu nagradu za uspješno obavljen post u završenim danima Ramazana i izraz radosti i sjećanja na to blagoslovljeno vrijeme.

Slavlje počinje rano ujutro sa zajedničkim namazom (molitvom) u džamiji. U sjećanje na protekli sveti mjesec i na žrtve, položene u ime dobijanja Božje ljubavi kao sa molbom Bogu da se ne izgube ostvareni napretci, imam drži govor (Khutbu) u kojoj se sve ove stvari još jednom potenciraju.

Važno je, posebno u ovim danima, da se misli na armiju ljudi u nuždi i da ih se po mogućnosti pusti da uzmu učešća u praznikovanju i da im se darivaju pokloni. Ovo je jedan važni dio islamskog učenja i kod Boga se vrijeduje kao veliko djelo.

Ahmadija muslimanski Džemat želi svim muslimanima i drugim vjernicima sretan i blagoslovljen praznik Eid-ul-Fitr.

## **EID-UL-ADHA** **(Kurban bajram)**

Eid-ul-adha je najvažniji praznik muslimana. Slavi se na vrhuncu Hadža (islamsko Hodočašće u Meku) i obilježava njegov završetak, otprilike deset sedmica po slavlju posta u Ramazanu (Eid-ul Fitr).

Kurban bajram (praznik žrtve) podsjeća na poslušnost poslanika Ibrahima a.s. i njegovog sina Ismaila a.s. Ibrahim a.s. je imao red snova u kojima je vidio kako žrtvuje svog najstarijeg sina. On je zato vjerovao da je to volja Božja da žrtvuje život svog sina i bio je spreman da tako i učini. Kada je Ibrahim a.s. obavio sve pripreme i upravo htio da ispuni naređenje, Bog mu naredi da stane i objavi mu radosnu vijest. On je ispunio Božje naređenje i položio ispit ljubavi naspram svog Gospodara. Ibrahim a.s. je bio Otac Ismaila a.s. i predak Poslanika Muhammeda s.a.v.s.

Ova priča ima za sve muslimane veliko simbolično značenje i pokazuje požrtvovanost koja bi se trebala nositi u sebi kako bi se otkazalo svim ovosvjetskim stvarima i užicima da bi se zadobila Božja blizina. U ovu svrhu oni Muslimani koji imaju sredstava za to žrtvuju jednu životinju i daju meso siromasima i onima bez sredstava.

Na jutro Eid-ul-adhaa se posjećuje džamija kako bi se obavila zajednički namaz (molitva). Namaz u ovu svrhu sastoji se od dva rekata (ciklusa), prvi ima 7 tekbira prije fatihe, a drugi ima 5 tekbira, svaki klanjač donosi tekbir dižući ruke naspram ušiju i neveže ih ponovo. Ovo isto važi i za Ramazanski bajram. Po završetku namaza, imam održava govor (Khutbu) koja treba da podsjeti muslimane na ovu priču i da ih senzibilize na sjećanje na Boga.

Ostatak vremena treba iskoristiti kako bi posjetili ljude u nuždi, osamljene kao i rodbinu i poznanike.

Za vjernike i vjerske učenjake, Kurban bajram (žrtveni praznik) pokazuje koliko su blizu tri velike svjetske religije Islam, Judaizam i Kršćanstvo jer je zajednički plemenski otac Ibrahim a.s., čovjek koji je obožavao jednog Boga.

Dakle, poruka Kurban bajrama (žrtvenog praznika) se sastoji u tome da se otkáže službovanje idolima i žrtvovanje ljudi i pokazuje Božiju milostivost. Za čovjeka, u Ibrahimovoj požrtvovanosti leži veliki ideal koji i on u sebi treba da razvija da bi u molitvi našao mir i stekao blizinu svoga Stvoritelja.


Ahmadija muslimanski Džemat želi svim Muslimanima i drugim Vjericima sretan i Blagoslovan Eid-ul-adha (Kurban bajram)!

### **Važna napomena:**

Za oba ova praznika, Časni Poslanik s.a.v.s., obavezao je sve muslimane, bez obzira dali muško ili žensko, da dođu da klanjaju bajram namaz, i čak rekao, ako neka žena nema maramu, ona je treba posuditi od prijateljice. One žene koje ne smiju da klanjaju namaz zbog hajza, isto tako su obavezne da dođu i da učestvuju u zadnjoj dovi. Za bajram namaz je obavezno da se svi okupaju, obuku novu ili čistu odjeću, stave miris i pripremaju bolju hranu. Kada je Ramazanski bajram, bitno je da se dadnu vitr (određeni dio novca) siromasnim i onima u nuždi. I ovo je bio sunet od Časnog Poslanika s.a.v.s. da on prije Ramazanskog bajrama nešto jede i poslije ide na namaz, a kod Kurbankskog bajrama, on bi jeo poslije namaza. Veći je sevap ako bi se išlo u džamiju jednim putem, a vraćalo drugim. Bajram namaz se ne može klanjat sam, već samo u džematu. Ako niste u mogućnosti klanjati prvi dan iz nekog razloga (vremenske nepogode, ratovi ...) Ramazanski bajram se može klanjati i drugi dan, a Kurban bajram može i drugi i treći dan. Prema hadisu Časnog Poslanik s.a.v.s., bajram namaz, ako je petkom, dozvoljeno je da se umjesto džume može klanjati samo podne (džuma svakako može). Posle namaza se donosi posebni tekbir *Allahu-akber Allahu-akber la-ilahe-illelahu vallahu akber Allahu-akber vallilahi-hel-hamd*. Za Kurbankski bajram, ovaj tekbir se uči od 9 zul-hidža od sabah namaza do 13 zul-hidža ikindije namaza, poslije farz namaza.



## Ahmadiyya Muslim Jama'at za Bosnu i Hercegovinu




---

**AHMEDIJA CENTAR:**  
 Tuzlanska 1 b, 71000 Sarajevo, BOSNA I HERCEGOVINA  
 Telefon/fax: 00387 / 33 612 612  
[www.ahmadija.ba](http://www.ahmadija.ba)

*Ljubav svakome, mržnja nikome!*